

A P P R O B A T I O.

EXimium ac omnibus numeris absolutum Opus; cui Titulus: *Dissertationes Selectæ Historicæ Dogmaticæ-Scholasticæ. De Augustissimo Eucharistiæ Sacramento* exaratum ab Illustrissimo, & Reverendissimo Domino D. F. Josepho-Maria Perrimezzi ex Ordine Minimorum Archiepiscopo Bostrensi; Promovendorum ad Episcopatum Examinatore; ac Congregationis ejusdem Examinis à secretis: nec non Romanæ, & Universalis Inquisitionis Consultore; de mandato Reverendissimi P. S. Palatii Magistri pervolvi. Dignum Authore Opus, omnigena sanè sacrarum facultatum doctrina, qua pollet Author, exundat & opus: Nec minimum, quod Fidei, ac morum integritati adverteretur, nactus sum: quinimò, veluti in horto concluso prælibato, omnium Sacrarum Scientiarum flores in promptu Lector habet; unde, quæ industris apis, quod magis optat hauriens, *Christi bonus odor fiat*: hinc Theologico-Scholasticæ Disceptationis præsidio, uberrimum lumen, quo Eucharistiæ Mysterium, ac manna absconditum pervadat, assequitur: illinc Moralis Theologiæ ductu, ad dirigendos erga cælestem Patriam, cuius Eucharistia est pignus, gressus suos instruit; Ex Dogmaticis, & Historicis Dissertationibus, mille clypeos, veluti ex mytica arce sint pendentes, depromit: Eapropter pro operis merito; ac pro expeditiori assequendarum scientiarum beneficio, prælo consignari operæ pretium duco. Romæ ex Ædibus S. Silvestri in monte Quirinali die 1. Julii A. 1739.

D. Franciscus Antonius Cavalcanti Procurator Generalis Clericorum Regularium: Consultor Sac. Congregationis Indulgentiarum: Qualificator S. Romanæ & Universalis Inquisitionis; & Theologus E. E. Cardinalium Firrao, & Passari.